

ցմիշտ մագլցելով բարձրանալու ստիպուած էի և երբեմն
զլորուելով, նաև զգուշացած էի սահուն սէղի վերայ
ոտք գնելէ, որ մի գուցէ սահելով կտոր բրդուճ լինիմ :
Այս վերելութեան մէջ տեղ տեղ պատահելով փոքրիկ
անտառակներու, մարմարիոն քարի կըտորներու, վայ-
րենի ոչխարաց խմբերու. արդէն 2 1/2 ժամ անցած էր,
բարձրացած էինք մի վայր, քրտինքը մեր հագուստ-
ներէն ևս կը կաթէր. հովը սկսաւ մեր երեսին զարնել.
այս տեղ Ղլիճ կետուկայ շղթային մէջ ամենաբարձրն
էր, տեսարանը աւելի տարածուած էր այժմ, ամբողջ
Բաղրեանդ մեր հիւսիսն և արևելեան հիւսիսն կերե-
ւեր իւր լեռներով՝ նաև ի հարաւ՝ Անդափի և Մա-
նազկերտի լեռներն, որոց ետևն բարձրացած էր Սիփան.
մեր ուղղակի յարևելս Նպատ, յարևմուտս Մերկեմիլ,
ի հիւսիս Սուկաւէտ: Սիփան, Մասիս և Սուկաւէտ
կերևին հանդէպ իրարու և յարևելից ասոնց վերայ
բարձրացած է հսկայ լեռոն Մասիս, որք զբեթէ իրարմէ
երկու երկու աւուր ճանապարհ հեռի են:

— Ս. Գէորգ, ըստ աւանդութեան ժողովուրդեան Ս.
Սուքիասանց ընկերներէն մին էր. երբ Սուքիասանք Ալատուղ
(ծաղկանց) Սսկեանցմէ բաժանուեցան, լեռնէ լեռ մինչև այս
վայրը եկան, այս տեղ հիւանդացաւ, մնաց, Ս. Գէորգ, ունե-
նալով իւր մօտ մի ընկեր, մնաց ժամանակ մի այս տեղ, միւս
ընկերներն գնացին, Սուկաւէտի կողերուն վերայ հաստատուե-
ցան. Ս. Գէորգ այս տեղ մեռաւ. թաղուեցաւ, իւր ընկերը
իջաւ Խաստուր քաղաքն, հասու լինելու համար Սուքիասանց
բնակութեան վայրի վերայ՝ Խաստուրցիներէն հարցում արաւ
և ընկաւ ճանապարհ, գնաց: Այս միջոցին զՍուքիասեանս
որոնող բռնաւորն եկած՝ խուզարկութիւն կանէր Սուքիասանց
վերայ, Խաստուրցիք յայտնած են, բռնաւորն հասած էր Զե-
տրկան գիւղի մօտ Սուրբին և սպանած: Սուրբը սպանուելու